

漢
魏
叢
書

穆天子傳序

穆天子傳出汲冢晉荀勗校定為六卷有序言其事雖不典其文甚古頗可觀覽予攷書序稱穆王饗國百年耄荒太史公記穆王賓西王母事與諸傳說所載多合則此書蓋備記一

時之詳不可厚誣也春秋之時諸侯各有國史多龐雜之言下逮戰國王迹熄而聖言湮處士橫議而異端起人人家自為說求其歆不龐雜其可得乎其書紀王與七萃之士巡行天下然則徒衛簡而徵求寡矣非有如

秦漢之千騎萬乘空國而出也王之
自數其過及七萃之規未聞以為迂
也登羣玉山命邢侯攻玉而不受其
牢是先王恤民之法未嘗不行至遇
雨雪士皆使休獨王之八駿超騰以
先待輒旬日然後復發去是非督令

致期也其承成康熙洽之餘百姓晏
然雖以徐偃王之力行仁義不足以
為倡而搖天下以知非有暴行虐政
而君子猶以王為獲沒於祗宮為深
幸足以見人心之危之如此也是豈
可效哉是豈可效哉存其書者固可

以覽其古徵其事者又安可不攷其
是非歟南臺都事海岱劉貞庭幹舊
藏是書懼其無傳暇日稍加讎校訛
舛命金陵學官重刊與博雅之士共
之諭予題其篇端云時至正十年歲
在庚寅春二月二十七日壬子北岳

王漸玄翰序

穆天子傳序

序古文穆天子傳者太康二年汲縣
民不准盜葬古塚所得書也皆竹簡
素絲編以臣勗前所考定古尺度其
簡長二尺四寸以墨書一簡四十字
汲者戰國時魏地也案所得紀年蓋

魏惠成王子令王之塚也於世本蓋
襄王也案史記六國年表自令王二
十一年至秦始皇三十四年燔書之
歲八十六年及至太康二年初得此
書凡五百七十九年其書言周穆王
遊行之事春秋左氏傳曰穆王欲肆

其心周行於天下將皆使有車轍馬
迹焉此書所載則其事也王好巡守
得盜驪騶耳之乘造父為御以觀四
荒北絕流沙西登昆侖見西王母與
太史公記同汲郡收書不謹多毀落
殘缺雖其言不典皆是古書頗可觀

稽天子傳一八卷
五
覽謹以二尺黃紙寫上請事平以本
簡書及所新寫並付祕書繕寫藏之
中經副在三閣謹序

穆天子傳卷之一

晉 河東郭璞註

明 新安程榮校

古文

飲天子蠲

音滄

山之上戊寅天子北征乃絕漳水

絕猶

漳水今在鄴縣

庚辰至于口觴天子于盤石之上

觴者所以進酒因云

觴天子乃奏廣樂

史記云趙簡子疾不知人七日而寤曰我之帝所甚樂與百神遊于

鈞天廣樂九奏萬舞不類三代之樂其聲動心廣樂義見此

載立不舍

言在車上立不下也

至于鉞山之下

卽鉞山今在常山石邑縣鉞音邢

癸未雨雪天子獵

于鉞山之西阿

阿山阿也

於是得絕鉞山之隊

隊謂谷中險阻道也

音北循虓沱之陽

虓沱河今在鴈門鹵城縣陽水北流音橐駝之駝

乙酉天

子北升于□天子北征于犬戎

國語曰穆王將征犬戎祭公謀父諫不從

遂征之得四白狼四白鹿以歸自是荒服不至紀年又曰取其五王以東

犬戎□胡觴天

子于當水之陽天子乃樂□賜七萃之士戰

萃集也聚也亦

猶傳有輿大夫皆聚集有智力者爲王之爪牙也

庚寅北風雨雪

詩曰北風其涼雨雪

其天子以寒之故命王屬休

令王之徒屬休息也

甲午天子西

征乃絕隃之關隘

隃阪也疑北謂北陵西隃西已亥隃鴈門山也音俞

已亥至

于焉居禹知之平

疑皆國名

辛丑天子西征至于鄰人

鄰國

名音巨肯切

河宗之子孫酈栢絮

伯爵絮名古伯字多以木

且逆天子

于智之口先豹皮十良馬二六

古者爲禮皆有以先之傳曰先進乘韋

天子使井利受之

井利穆王之嬖臣

癸酉天子舍于滌淠

宿

爲舍乃西釣于河以觀口智之口甲辰天子獵于滌淠

於是得白狐玄貉焉以祭於河宗

以將有事于河奇此獲故用之漢武

帝郊祀得一角白鹿以爲祥瑞亦將燎祭之類

丙午天子飲于河水之阿

阿水

峯也天子屬六師之人于酈邦之南滌淠之上

屬猶會也戊

寅天子西征鷺行至于陽紆之山

鷺猶馳也紆音啞

河伯無

夷之所都居

無夷馮夷也山海經云水夷

是惟河宗氏

河四瀆之宗主河者

目以爲氏 河宗伯天逆天子燕然之山伯天字也 勞用東帛加

璧勞郊勞也五兩爲一東兩今之二丈 先白口天子使鄒父受之鄒父鄒公

謀父作祈招之詩者 癸丑天子大朝于燕口之山河水之阿蓋

會郡官告將禮河也 乃命井利梁固梁門大夫 聿將六師聿猶 天子

命吉日戊午詩曰吉日庚午 天子大服冕褱冕冠褱衣蓋王后之上服今帝

服之所未詳褱音暉 帔帶帔韠也天子赤帔音弗 搢笏笏長三尺杼上推頭一名珽亦謂之

也大圭搢猶帶也 笏佩左右兩佩 奉璧南面立于寒下寒下未詳 曾

祝佐之魯重也傳曰魯臣偃 官人陳牲全五口具牛羊之品曰生體完曰全

牲或曰全色純也 傳曰牲全肥臠 天子授河宗璧河宗伯天受璧西

向沉璧于河

河位載崑崙

再拜稽首

稽首首至地也

祝沉牛馬豕

率河宗口命于皇天子

加皇者尊上之

河伯號之

呼穆王

帝曰

穆滿

以名應謙也言謚蓋後記事者之辭

女當求致用昔事

語穆王當長幹理世

事也

南向再拜

穆王拜

河宗又號之帝曰穆滿示女春

山之瑤

山海經春字作鍾音同耳言此山多珍寶奇怪

詔女崑崙口舍四平

泉七十

疑皆說崑崙山上事物

乃至於崑崙之丘以觀春山之

瑤

皆河伯與穆王詞語

賜語晦

月終為晦言賜賜女受終福

天子受命南向

再拜

受河伯命

已未天子大朝于黃之山

將禮河而去

乃披圖

視典用觀天子之瑤器

省河所視禮圖

曰天子之瑤

曰河圖辭也

王果

石似美玉所謂大果者也

璿珠

璿王類也音旋

燭銀

銀有精光如燭

黃金之

膏

金膏亦猶玉膏皆其精洵也

天子之瑤萬金口瑤百金士之瑤

五十金鹿人之瑤十金

自萬金以下宜次言諸侯之瑤千金大夫之瑤百金此書

殘缺集錄者不續以見闕文耳

天子之弓射人步劍牛馬犀口噐千

金

步劍疑步光之劍也犀似水牛庫脚脚為三角黑色

天子之馬走千里勝人

猛獸

言无勢傑駭也

天子之狗走百里執虎豹

言勦力壯猛也

伯天

日征鳥使翼日口鳥鳶

音綠鷂也

鶴雞飛八百里

即鷓鴣鷄屬也

名獸使足口走千里後猓口野馬走五百里

後猓獅子亦食

虎豹野馬亦如馬而小後音後猓音猓

叩叩距虛走百里

亦馬屬尸子曰距虛不擇

地而走山海經云聖聖距虛並言之耳

糜口二十里

自糜以上似次第獸能走里數遠近

曰伯夭皆致河典

典禮也自此以上事物皆河圖數載河伯以爲禮禮穆王也

乃

乘渠黃之乘爲天子先

先驅導路也

以極西土

極

乙丑天

子西濟于河口爰有温谷樂都

温谷言冬暖也燕河有寒谷不生五谷

宗氏之所遊居

伯天之別州邑

丙寅天子屬官效噐

會官司閱所得

乃命正公郊父

正公謂三上公天子所取正者郊父爲之

受勅憲

憲教令也

管子曰皆受憲

用伸口八駿之乘

八駿名在下

以飲于枝詩之中

水岐成詩詩小渚也音止

積石之南河

積石山名今在金成河間縣南河出北山而東南流

天子之駿

駿者馬之美稱

赤驥

世所謂

盜驪

爲馬細頭驪黑色也

白義

踰輪山子渠黃華騮

色如華而赤今名馬標赤者為棗騮棗騮赤也

綠耳

綠耳

曰北唐之君來見以一騮馬是生綠耳魏時鮮卑獻千里馬白色而兩耳黃名曰黃耳卽此類也八駿皆因其毛色以爲名號耳索史記造父爲穆王得盜驪華騮綠耳之馬御以西巡遊見西王母樂而忘歸皆

與此同若合符契

狗重工徹止翟假口黃南口來白

皆凌狗之名亦

猶宋鵠之類

天子之御造父三百

下云三百爲御者

耿脩芍及

造父

善御穆王封之於趙城餘未聞也

曰天子是與出口入數田獵釣弋

弋繳射也

天子曰於乎予一人不盈于德

盈猶克也

而辨於樂

辨作遊樂之事

後世亦追數吾過乎

穆王遊放過度行輒忘歸故作此言以自警也

七萃之士口天子曰後世所望無失天常

奉六時也

農工

既得

歲豐登也

男女衣食

無飢寒也

百姓瑤富

富者安也

官人執事

各視職事

故天有肯

四時

民口氏響

音國

何謀於樂

言不規樂而樂

自何意之忘

常慎德也

與民共利世以爲常也天子嘉之

善其有辭

賜以左佩華也

玉華之佩佩之精也

乃再拜頓首

穆天子傳卷第一終

穆天子傳卷第二

晉 河東郭璞註

明 新安程榮校

古文

口伯天曰口封膜畫于河水之陽

膜畫人名 疑音莫

以爲殷

人主

主謂主其祭 祀言同姓也

丁巳天子西南升口之所主居

以說

古之賢 聖以居

爰有大木碩草

碩大也

爰有野獸可以畋獵戊

午曷口之人居慮

古曷字 居慮名

獻酒百口于天子

百下脫 盛酒器

名

天子已飲而行遂宿于昆侖之阿赤水之陽

昆侖山有

五色水赤水出東南隅而東北流皆見山海經。爰有鸚鳥之山。鸚音甄天子

三日舍于鸚鳥之山口吉日辛酉天子升于昆侖之

丘以觀黃帝之宮。黃帝巡遊四海登昆侖山起宮室於其上見新語而豐口

隆之塋。隆上字疑作豐豐隆筮御雲得大吐卦遂為雷師亦猶黃帝橋山有墓封謂增高其上土

也以標顯之耳以詔後世。詔謂語之癸亥天子具蠲齊牲全以禋

口昆侖之丘。蠲者絜也齊祭神曰禋書天子禋十六宗蠲音圭甲子天子比

征舍于珠澤。此澤出珠因名之曰今越嵩平澤出青珠是以釣于流水曰

珠澤之藪方三十里。澤中有草者為藪爰有萑葦莞蒲。莞菴蒲或

曰莞蒲齊名耳芎藭。芎今萑字音倍蕪。蕪荷也似萑而細音無萸。莠屬詩曰

關西云莞音九

四月秀要乃獻白玉口隻口角之一口三可以口沐乃進

食口酒十口姑剝九口芥味中糜胃而滑中猶合也因獻

食馬三百可以供厨膳者牛羊三千天子口昆侖此以上似說封人於

昆侖山旁以守黃帝之宮南司赤水而北守春山之寶欲

崇表聖德因用顯其功迹天子乃口之人口吾黃金之環三五空

等為環朱帶貝飾三十淮南子曰其貝帶駿繅是也工布之四口吾

乃膜拜而受今之胡人禮佛舉手加頭稱南謨拜者即此類也音模天子又與

之黃牛二六以為犧牲種以三十口人于昆侖丘季夏丁

卯天子北升于春山之上以望四野曰春山是唯天

下之高山也。孽木，口華畏雪。天子於是取孽木，孽之。

寶

持歸種之孽音滋

曰春山之澤，清水出泉，溫和不無風。

炁條適也

飛鳥百獸之所飲食，先王所謂縣圃。

淮南子曰：昆侖去地一萬一千

里。上有曾城九重，或上倍之，是謂閼風。或上倍之，是謂玄圃。以次相及。山海經云：明明、昆侖、京、圃，各一山。

但相近耳。又曰：寶唯帝之平圃也。

天子於是得王棨枝，斯之英。

英王

華也。尸子曰：龍泉有王英。山海經曰：黃帝乃取密山之王棨而投之鍾山之陽，是也。

曰春山百

獸之所聚也。飛鳥之所棲也。爰有口獸，食虎豹如麋。

而載骨盤口，始如麋，小頭大鼻。

麋麋是也

爰有赤豹、白虎。

詩云：赤豹黃羆。

熊羆、豺狼、野馬、野牛、山羊、野豕。

今華陰山有野牛、山羊、肉

皆子 爰有白鳥青鵬執犬羊食豕鹿

今之鵬赤鹿能食犂鹿

曰天

子五日觀于春山之上乃爲銘迹於縣圃之上以詔

後世

謂勒石銘功德也秦始皇漢武帝巡守登各山所在刻石立表此之類也

壬申天子

西征甲戌至于赤鳥之人其獻酒千斛于天子食馬

九百羊牛三千糶麥百載

糶似粟而不粘

天子使祭父受之

曰赤鳥氏先出自周宗

與周同始祖

大王亶父

即古公亶父字也

之始作西土

言作興於岐山之下今邑在扶風美陽是也

封其兄子吳太

伯于東吳

太伯讓國入吳因卽封之于吳

詔以金刃之刑

南金精利故語其刑

也 賄用周室之璧

賄贈也

封丕璧臣長季綽于春山之

亂妻以元女詔以王石之刑

昆侖山出美王石處故以語之

以爲周

室主天子乃賜赤烏之人口其墨乘四

周禮大夫乘墨車

黃

金四十鎰

二十兩爲鎰

貝帶五十朱三百裏丌乃膜拜而

受

裏晉罪過之過丌名赤烏人名也

曰口山是唯天下之良山也寶

王之所在嘉穀生之草木碩美天子於是取嘉禾以

歸樹于中國

漢武帝取外國香草美菜種之中國

曰天子五日休于口

山之下乃奏廣樂赤烏之人丌好獻女子天子

所以結恩

好也女聽女列爲嬖人

一名聽名失一女名下文

曰赤烏氏美人之

地也寶王之所在也巳卯天子北征趙行口舍

趙猶趙騰

舍三十里庚辰濟于洋水洋水出崑崙山西北

辛巳入于

曹奴之人戲觴天子于洋水之上戲國人名也乃獻食馬

九百牛羊七千糶米百車天子使逢固受之逢固周大夫

天子乃賜曹奴之人戲口黃金之鹿銀口今所在地中得王肫

金狗之類此皆古者以賂夷狄之青貨也貝帶四十朱四百裏戲乃膜拜

而受壬午天子北征東還從東頭而還歸甲申至於黑水水亦

出崑崙山西北西膜之所謂鴻鷺西膜沙漠之鄉以言外域人名物與

中華不同春秋叔弓敗莒師于濆水穀梁傳曰狄人謂濆泉失名號以中國名從主人之類也於是

降雨七日天子留骨六師之屬穆王馬駭而御良故行輒出從衆前天

子乃封長肱于黑水之西河

卽長臂人也身如中國臂長三丈腿時在赤海

中得此人稀也長脚人國又在赤海東皆是山海經

是惟鴻鷺之上以爲周室

主是曰留骨之邦

因以名之

辛卯天子北征東還乃循黑

水癸巳至于群王之山

卽山海云群玉山西王母所居者

容口氏之

所守曰群王田山口知阿平無險

言邊無險阻也

四徹中繩

言皆平直

先王之所謂策府

言往古帝王以爲藏書冊之府所謂藏之名山者也

寡

草木而無鳥獸

言純玉石也

爰有口木西膜之所謂口天

子於是取王三乘王噐服物

環佩之屬

於是載王萬隻

隻玉

爲蔽見左氏傳

天子四日休群王之山

休遊息也

乃命邢侯待攻

王者

待留之也邢今廣平襄邑縣

孟秋丁酉天子北征口之人潛

時

潛時名也

觴天子于羽陵之上乃獻良馬牛羊天子以

其邦之攻玉石也不受其牢

重慎費其牢牲禮也

伯夭曰口氏

檻口之後也天子乃賜之黃金之罍三六

卽孟也徐州謂之罍

朱三百裏潛時乃膜而受戊戌天子西征辛丑至于

剖閭氏

音倚

天子乃命剖閭氏供食六師之人

天子六軍詩曰

周王于邁六師及之

于鐵山之下壬寅天子登于鐵山乃徹祭

噐于剖閭之人

以祭餘胙賜之

温歸乃膜拜而受

温歸名也

天子

已祭而行乃遂西征丙午至于鷓韓氏爰有樂野温

和糶麥之所草

此字作草下
早疑古茂字

犬馬牛羊之所昌

昌猶盛也

寶王之所口丁未天子大朝于平衍之中

衍墳之下
者見周禮

乃命六師之屬休已酉天子大饗正公諸侯王吏七

萃之士于平衍之中鵠韓之人無鳧乃獻良馬百匹

用牛三百

可服用者

良犬七千

調習者

犛牛二百野馬三百

牛羊二千糶麥三百車天子乃賜之黃金銀罍四七

貝帶五十朱三百裏變口雕宮無鳧上下乃膜拜而

受

疑古上下字今
夷狄官多復名

庚戌天子西征至于玄池天子三

日休于玄池之上乃奏廣樂三日而終是日樂池

因改

名為廣樂池猶漢武
改祠鄉為聞喜之類

天子乃樹之竹

種竹池邊

是曰竹林

竹林盛者為林

癸丑天子乃遂西征丙辰至于苦山西膜之

所謂茂苑天子於是休獵於是食苦

苦中名可食

丁巳天

子西征己未宿于黃鼠之山西口乃遂西征癸亥至
于西王母之邦

穆天子傳卷第三

晉 河東郭璞註

明 新安程榮校

古文

吉日甲子天子賓于西王母

西王母如人虎齒蓬髮戴勝善嘯紀年穆王十

七年西征崑崙丘見西王母其年來見賓于昭公

乃執白圭玄璧以見西王

母

執贄者致敬也

好獻錦組百純口組三百純

純疋端名也周禮曰純帛

不過五兩組綬屬音祖

西王母再拜受之口乙丑天子觴西王

母于瑤池之上西王母爲天子謠

徒歌曰謠

曰白雲在天

山際陵自出道里悠遠山川間之間音將子無死將

也尚能復來尚庶天子荅之曰予歸東土和治諸夏幾也

萬民平均吾顧還比及三年將後而野復反此

也天子遂驅升于弁山弁弁茲山乃紀其跡于弁山日入所也

之石銘題而樹之槐眉曰西王母之山言是西王

王母之山還歸其口世民作憂以吟曰比徂西土母所居也

也爰居其野虎豹為群於鵲與處於讀嘉命不遷言

此一我惟帝帝天天子大命而不可稱顧世民之恩方

流涕岍隕吹笙鼓簧黃在中心翔翔憂無世民之子薄也

唯天之望

所瞻望也

丁未天子飲于溫山口考鳥

紀年曰穆王見

西王母西王母止之日有鳥鵠人疑說此鳥脫治不可知也

巳酉天子飲于潏水

之上

潏音淑

乃發憲命

憲謂法令

詔六師之人口其羽爰有

口藪水澤爰有陵衍平陸

大阜曰陸高平曰陸

碩鳥物羽六師

之人畢至于曠原

言將獵也下云壯至曠原之野飛鳥之所解其羽山海經云大澤方

千里群鳥之所生及所解紀羊曰穆王北征行積羽千里皆謂此野耳

曰天子三月舍

于曠原口天子大饗正公諸侯王勒七萃之士

勒猶勞也

于羽琫之上

下有羽陵疑亦同

乃奏廣樂口六師之人翔敞

于曠原

翔猶遊也

得獲無疆

無疆無限也

鳥獸絕群

言取盡也

六師

之人大畋九日乃駐于羽之口收皮效物

物謂毛色也詩云九

十維

債車受載

債猶借也

天子於是載羽百車

十羽為箴百羽為縛

十縛為縛見周官

已亥天子東歸六師口起庚子至于口之

山而休以待六師之人庚辰天子東征癸未至于戊

口之山智氏之所處口智口往天子于戊口之山勞

用白驂二疋

驂駢馬也

野馬野牛四十守犬七十

任守備者

乃

獻食馬四百牛羊三千曰智氏口天子比遊于繡子

之澤智氏之夫獻酒百口于天子天子賜之狗瓏采

疑王名

黃金之罍二九貝帶四十朱丹三百裹桂薑百

口乃膜拜而受乙酉天子南征東還己丑至于獻水

乃遂東征飲而行乃遂東南己亥至于瓜纒之山三

周若城

言山周匝三重狀如城壘

闕氏胡氏

闕音遇

之所保天子乃

遂東征南絕沙衍

沙衍水中

辛丑天子渴于沙衍

沙

無水

求飲未至七萃之士高奔戎刺其左驂之頸取

其青血以飲天子

今西方羌胡刺馬咽取血飲渴亦愈

天子美之乃賜

奔戎佩王一隻奔戎再拜詣首

古稽字

天子乃遂南征

甲辰至于積山之邊爰有夢栢曰曷余之人命懷

命懷

人獻酒于天子天子賜之黃金之罍貝帶朱丹七十

襄命懷乃膜拜而受乙巳□諸飢獻酒于天子諸飢亦人

名音健
牛之健

天子賜之黃金之罍目帶朱丹七十襄諸飢

乃膜拜而受之

穆天子傳卷第三終

穆天子傳卷第四

晉 河東郭璞註

明 新安程榮校

古文

庚辰至于滔水濁繇氏之所食

山海經曰有川名曰三淖昆吾之所食亦

此類

辛巳天子東征癸未至于蘇谷骨飢氏之所衣被

言谷中有草木皮可以爲衣被

乃遂南征東還丙戌至于長淡重緄

氏之西疆

疆界也

丁亥天子升于長淡乃遂東征庚寅

至于重緄氏黑水之阿爰有野麥

自然生也

爰有蒼董

祇謹

兩音西膜之所謂木禾

木禾粟類也長五尋大五圍見山海經云

重繩氏之

所食爰有采石之山

出文禾之石也

重繩氏之所守曰枝斯

璿瑰

璿瑰王名左傳曰贈我以璿瑰旋回兩音

玨瑤

亦王名瑤音遙玨瑤也琅玕石似珠

兩音玲瓏瓊瓊

皆王名字皆無音玲瓏音鈴瓊

玨琪

王屬也于其二音

徼尾

無聞

馬凡好石之器于是出

盡出此山

孟秋癸巳天子命重繩

氏共食天子之屬

音共言不及六師也

五日丁酉天子升于采

石之山於是取采石焉天子使重繩之民鑄以成器

于黑水之上

今外國人所鑄作器者亦皆石類也

器服物佩好無彊曰

天子一月休秋癸亥天子觴重繩之人鰥鰥乃賜之

黃金之罌二九銀鳥一隻貝帶五十朱七百裏篙箭
桂薑百崗絲繡雕官髀蠶乃膜拜而受乙丑天子東
征髀蠶送天子至于長沙之山口隻天子使栢天受
之栢天曰重絕氏之先三苗氏之口處以黃木蠶銀
采口乃膜拜而受

三苗舜所竄於三危山者

丙寅天子東征南還

己巳至于文山西膜之所謂口觴天子于文山西膜
之人乃獻食馬三百牛羊二千糶米千車天子使畢
矩受之曰口天子三日遊于文山於是取采石

以有采石

故號文山

壬寅天子飲于文山之下文山之人歸遺

歸遺名也

乃獻良馬十駟

四馬爲駟

用牛三百守狗九十犝牛二百

以行流沙

此牛能行流沙中如橐駝

天子之豪馬豪牛

豪猶髦也山海經云

髦馬如馬足四節皆有毛

羆狗

羆羆茸謂猛狗或曰羆亦狗名

豪羊

似髦牛

以三十

祭文山又賜之黃金之罍二九貝帶三十朱三百裹

桂薑百崗歸遺乃膜拜而受癸酉天子命駕八駿之

乘右服黼騶

疑騶騶字

而左綠耳右驂赤龍

古驂字

而左白

俄

古義字

天子主車造父爲御箇箇爲右次車之乘

次車

副車

右服渠黃而左踰輪右盜驪而左山子栢大主車

參百爲御奔戎爲右天子乃遂東南翔行馳驅千里

一舉騰千里
行如飛翔

至于巨蒐之人彌奴乃獻白鵠之血以

飲天子

所以飲血
益人然力

因其牛羊之漣

漣乳也今江南人
亦呼乳為漣音寒

凍以洗天子之足

令肌
膚滑

及二乘之人

謂主天子車
及副車者也

甲

戊巨蒐之彌奴觴天子于焚留之山乃獻馬三百牛

羊五千秋麥千車

秋麥
禾也

膜稷三十車

稷粟也
膜未聞

天子使

栢夭受之好獻枝斯之石四十

精者
為英

佶繇曼龜秘佩

百隻琅玕四十觀熈十篋

疑此綺
葛之屬

天子使造父受之

口乃賜之銀木璣采黃金之罍二九貝帶四十朱三

百裏桂薑百崗彌奴乃膜拜而受乙亥天子南征陽

紆之東尾

尾山後也

乃遂絕茲晉之谷已至于觀瑯河之

水北阿爰有醵澍之口河伯之孫

今西有渠搜國疑醵渠字

事皇

天子之山有模莖其葉是食明后

模莖木名后君也莖音謹

天子

嘉之賜以佩玉一隻栢夭再拜稽首癸丑天子東征

栢夭送天子至于郟人郟伯絮觴天子于澡澤之上

斲多之汭

汭水涯

河水之所南還

還回也音旋

曰天子五日

休于澡澤之上以待六師之人戊午天子東征顧命

栢夭歸于丌邦天子曰河宗正也栢夭再拜稽首

辭去

也天子南還升于長松之陞

坂有長松

孟冬壬戌至于雷

首雷首山名今在河東蒲坂縣南也

犬戎胡觴天子于雷首之阿乃

獻食馬四六天子使孔牙受之曰雷水之平寒寡人

具犬馬羊牛爰有黑牛白角爰有黑羊白血

記異也

癸

亥天子南征升于髡之陞

音警

丙寅天子至于鉞山之

隊東升于三道之陞乃宿于二邊命毛班

毛班毛伯衛之先也

逢固先至于周以待天之命癸酉天子命駕八駿之

乘赤驥之駟造父爲御口南征翔行逕絕翟道

翟道在隴

西謂截隴坂過

升于太行南濟于河馳驅千里遂入于宗周

官人進白鵠之血以飲天子以洗天子之足

亦謂造乳也

父乃具羊之血以飲四馬之乘一

與王同車御右之屬左傳所謂四乘

是也庚辰天子大朝于宗周之廟乃里西土之數

里謂計其

道里也紀年曰穆王西征還里天下德有九萬里

曰自宗周灋水以西

灋水今在

洛西洛卽成周也音纏

至于河宗之邦陽于之山三千有四百

里自陽紆西至于西夏氏二千又五百里自西夏至

于珠余氏及河首千又五百里自河首襄山以西南

至于春山珠澤昆侖之丘七百里自春山以西至于

赤烏氏春山三百里東北還至于群王之山截春山

以北

截由祖也

自群王之山以西至于西王母之邦三千

里口自西王母之邦北至于曠原之野飛鳥之所解

其羽

所謂解毛之處

千有九百里口宗周至于西北大曠原

案山海經云群鳥所集澤有兩處一方百里一方千里卽此大曠原也

萬四千里乃還

東南復至于陽紆七千里還歸于周三千里各行兼

數三萬有五千里吉日甲申天子祭于宗周之廟

告行

反也書大傳曰反必告廟也

乙酉天子口六師之人于洛水之上

丁亥天子北濟于河口羗之隊以西北升于盟門九

河之隘

盟門山今在河北乃子日河出于盟門之上

乃遂西南仲冬壬辰

至鼂山之上乃奏廣樂三日而終吉日丁酉天子入

穆天子傳卷四

王

于南鄭

今京兆鄭縣也紀年穆王元年築祗宮于南鄭傳所謂王是以獲沒于祗宮者

穆天子傳卷第四終

穆天子傳卷第五

晉 河東郭璞註

明 新安程榮校

古文

寶處曰天子四日休于濩澤

今平陽濩澤縣是也音獲特

於是射

鳥獵獸丁丑天子口雨乃至祭父自圃鄭來謁

鄭有圃田

因云圃鄭謁告也

留昆歸玉百枝

留昆國見紀羊

峻翟致賂

峻翟隗姓國也

音峻良馬百駟

傳曰文馬百駟

歸畢之寶

畢國名言翟前取此寶也

以詰其

成

成謂平也詰猶責也陵子高胡口東牡

夷狄有德者稱子疇胡名

見許男

于洧上

男爵也許國今許昌縣有水之所在音羽反

祭父以天子命辭曰

去茲羔用玉帛見

禮男執蒲璧許男欲崇謙故執羔也

許男不敢辭

奉王

命還取束帛加璧口毛公舉幣王

毛公卽毛班也

是日也天

子飲許男于洧上天子曰朕非許邦而恤百姓口也

咎氏宴飲毋有禮

禮天子稱異姓諸侯爲伯舅燕者私會不欲崇禮敬也管子曰伯舅

無下拜字亦作舅各體舅也

許男不敢辭升坐于出尊

禮記曰反玷出尊唯

兩君爲好既獻天爵活上出尊蓋此之類也空之於尊邊使爲酒醴欲以盡歡酣也

乃用宴樂

言田

天子賜許男駿馬十六

稱駿者名馬也

許男降再拜空

首

空言頭至于地

乃升平坐及暮天子遣許男歸癸

禮三日空拜

亥天子乘鳥舟龍卒浮于大沼

沼池龍下有舟字舟皆以龍鳥爲形制今

吳之青雀舫比其遺制者

夏庚午天子飲于滄上乃遣祭父如圃

鄭用口諸侯辛未天子北還釣于漸澤食魚于桑野

丁丑天子里圃田之路

盪規度以爲苑圃地而虞守之也

東至于房

房房子屬趙國地有嶺山

西至于口丘南至于桑野北盡經林煮

口之數南北五十口十虞東虞曰鬼臺西虞曰櫟丘

櫟今河南湯

翟縣音櫟

南虞曰口富丘北虞曰相其御虞曰口

來十虞所口辰天子次于軍丘以畋于藪口甲寅天

子作居范宮

范離宮之名也

以觀桑者

桑採桑也詩云桑者閭閻兮

乃飲

于桑中

桑林之中

天子命桑虞

土桑者也

出口桑者用禁暴人

不得令妄割犯桑木

仲夏甲申天子口所庚寅天子西遊乃宿

于祭

祭祭公邑

壬辰祭公飲天子酒乃歌闕天之詩

詩頌有昊

天子成命二后受之成王不敢康疑祭公以此規諫也

天子命歌南山有犍

詩小

雅有南山有臺樂只君子邦家之基以答祭公之言然皆古字難曉所以未詳

乃紹宴樂

紹繼

也 丁酉天子作臺以爲西居壬寅天子東至于雀梁

甲辰浮于滎水

今滎陽滎澤是

乃奏廣樂季夏庚口休于范

官仲秋丁巳天子射鹿于林中乃飲于孟氏爰舞白

鶴二八

今之畜鶴孔雀馴者亦能應節鼓舞

還宿于雀梁季秋辛巳天

子司戎于口來虞人次御

以次侍御備有所問

孟冬鳥至

馬來翔也

王目口弋

下云王目諸侯姬姓姓女疑是婦官也

仲冬丁酉天子射獸

休于深藿

藿葦之藿

得麋麇豕鹿四百有二十得二虎九

狼乃祭于先王命庖人熟之

庖人主飲食者

戊戌天子西遊

射于中冓方落草木鮮命虞人掠林除藪以爲百姓

材以供人之材用掠謂割伐之

是日也天子北入于邠

邠鄭邑也音丙

與

井公博三日而決

疑井公賢人而隱枋故穆王就之遊戲也

辛丑塞

戒不

進爲塞也

至于臺乃大暑除天子居于臺以聽天下之

因

避暑遠方口之數而衆從之是以選勅

音勅

乃載之神人

口之能數也

有道數也

乃左右望之

占候也

天子樂之

愛其術也

命爲口而時口焉口其名曰口公去乘人口猶口有

虎在乎葭中

葭少

天子將至七萃之士高奔戎請生捕

虎必全之乃生捕虎而獻之

詩所謂袒裼暴虎獻于公所此之謂也

天

子命之爲柙

柙檻也論語曰虎兕出於柙

而畜之東虞是爲虎牢

因以名其地也今榮陽成皋縣是

天子賜奔戎駉馬十駉

爾雅曰駉獵齊足尚

疾歸之太牢

牛羊豕爲太牢

奔戎再拜謁首丙辰天子北遊

于林中乃大受命而歸仲秋甲戌天子東遊次于雀

梁

一宿爲舍再宿爲信過信爲次

口蠹書于羽林

謂暴書中蠹虫因云蠹書也

季

秋口乃宿于防畢人告戎

告戎難也

曰陵翟來侵天子使

孟僖如畢討戎

僖音豫

霍侯舊告甕

霍國今在平陽永安縣西南有城

天子臨于軍丘狩于藪季冬甲戌天子東遊飲于留

祈射于麗虎讀書于勑丘

君舉必書勑音犂

口獻酒于天子

乃奏廣樂天子遺其靈鼓乃化爲黃蛇

周禮曰靈鼓四面洪範所

謂鼓妖也

是日天子鼓道其下而鳴

從失鼓而擊鼓也鼓在地下馬道從也韓

非曰道南方來也

乃樹之桐

因以樹梧桐桐亦響木也

以爲鼓則神且鳴

則利於戎

宜以攻戎

以爲琴則利口于黃澤東遊於黃澤

宿于曲洛

洛水之回曲地名也

廢口使宮樂謠

宮樂典樂者

曰黃之

池其馬飲沙

飲餽也善問切

皇人威儀

威畏也

黃之澤其馬飲

王

皆諸侯

皇人受穀

穀生也

丙辰天子南遊于黃口室之

丘以觀夏后啟之所居

疑此言太室之丘萬高山啟母在此山化為石而夫啟亦

登仙故其上有啓石也皆見歸藏及淮南子

乃口于啓室

似謂入啓室中

天子筮

獵萃澤

音

其卦遇訟

坎下乾上

逢公占之曰訟之繇

繇

舜音

數澤蒼蒼其中口宜其正公戎事則從

水性平而天無

私兵不曲撓而戎事集也

祭祀則惠畋獵則獲口飲逢公酒賜之

駿馬十六緡紵三十篋

緡葛詩者

逢公再拜稽首賜筮史

狐口有陰雨夢神有事

有事祭也

是謂重陰

因以

天子乃

休日中大寒北風雨雪有凍人天子作詩三章以哀

民

哀猶慙也

曰我徂黃竹口員閔寒帝收九行

行道也言收羅九域

之道里也左傳曰經啟九通

嗟我公侯百辟冢卿

辟君冢卿冢宰

皇我萬

民

皇正也

旦夕勿忘

恒念之也

我徂黃竹口員閔寒帝收九

行嗟我公侯百辟冢卿皇我萬民旦夕勿窮

令無困也

皎者駘

駘鳥名皎白貌音路

翩翩其飛

言得意也

嗟我公侯口勿則

邈

自侯以下似當云百辟冢卿皇我萬民口勿則邈

居樂甚寡

言守一居少樂

不如

邈士

居無哀安

禮樂其民

言當以禮樂化其人也

天子曰余一人則

淫

淫于遊樂

不皇萬民口登乃宿于黃竹天子夢羿射于

塗山

舜有窮氏帝善射者

祭公占之疏口之口乃宿于曲山壬

申天子西升于曲山口天子西征升九阿

疑今西安縣十里九

坂也南宿于丹黃戊寅天子西升于陽口過于靈口井

公博

穆王往反輒從井公博遊明其有道德人也

乃駕鹿以遊于山上爲

之石主而口寘軫

即軫坂也今杜河東大陽縣傳曰入于寘軫巔軫二音

乃次

于涇水之陽

今之涇津也在河東河北縣音項脰之脰

吉日丁亥天子入

于南鄭

穆天子傳卷第五終

穆天子傳卷第六

晉 河東郭璞註

明 新安程榮校

古文

之虛皇帝之間乃曰先王九觀以詔後世

此後是登名山有所

銘勒封建也殘缺字多不可推考耳

已已天子曰征舍于蒞臺辛未紐

蒞之獸

管子曰蒞菜之壤今吳人呼田獵茸草地爲蒞者且

於是白鹿一牯察

逸出走

言突圍出語觸也或曰所駕竟迂循驚也

天子乘渠黃之乘口焉

自此已上疑說遂得鹿之狀

天子丘之

丘謂爲之名號方言耳

是曰五鹿官

人之口是丘口其皮是曰口皮口其脯是曰口脯天

子飲子潔水之上

潔水今濟陰
潔陰縣音音

官人膳鹿獻之天子

天子美之是曰甘

自此以上皆因應以名所在地用
紀之也今元城縣東郭有五鹿墟

晉文公所一食
於野人處者也

癸酉天子南祭白鹿于潔口乃西飲

于草中

草野
之中

大奏廣樂

大謂盛
作之也

是曰樂人

亦以
紀之

甲戌

天子西北口姬姓也盛栢之子也

盛國名疑上說姬
事公羊傳曰成者

何盛也者為諱之
盛諱戚同姓者

天子賜之上姬之長

今盛栢為姬
姓之長位位

在上

是曰盛門天子乃為之臺

為盛姬
築臺也

是曰重璧之

臺

言臺狀
如壘壁

戊寅天子東徂于澤中逢寒疾

言盛姬在
此遇風寒

得疾天子舍于澤中盛姬告病天子憐之曰澤曰寒氏

以名澤也盛姬求飲天子命人取漿而給得之連也傳是日何其給也

曰壺輜壺器名輜音邁速也與邁同天子西至于重璧之臺盛姬

告病曰天子哀之上疑說盛姬死也是曰哀次哭泣之位次天子

乃殯盛姬于穀丘之廟先王之廟有在此者漢氏亦所在有廟焉曰壬寅

天子命哭令群臣大臨也啟爲主爲之喪主卽下伊扈也上啓疑爲開殯出棺也祭

父賓喪饋贊禮儀天子王女叔姓爲主叔姓穆王之女也音癰產天子

曰賓之命終喪禮今持喪終禮也於是殤祀而哭殤未成喪盛姬年小

也內史執策所以書贈賵之事內史主冊命者官人口丌職曾祝敷

筵席設几

數猶鋪也周禮曰喪事仍几

盛饋具

饋具莫也

肺鹽羹

肉也當以

音行

音大

音齋

音粥

音清

音肉

音醬

音魚

音乾

音寒

音粥

音非

百物

言備有也

乃陳腥俎十二乾豆九十鼎敦壺尊四十

音敦

音似

音盤

音雜

音器

音禮

音雖

音喪

音祭

音皆

音祭

音進

酒

以肺振盞中以祭所謂振祭也禮以肺見少牢饋食也

乃獻喪主伊扈伊扈

拜受口祭女又獻女主叔姓叔姓拜受祭口祝報祭

觴大師

樂官

乃哭卽位

就喪位也

畢哭內史口策而哭

策上宜作

讀既夕禮曰主人之史讀明是也

曾祝捧饋而哭

捧兩手持也

御者口祈

而哭

待御者禮曰御者入浴

抗者觴夕而哭

抗猶舉也禮記曰小臣四人抗衾也

佐者承斗而哭

佐飲者也斗斟水杓也

佐者

佐飲食者

衣衾佩口而

哭樂口人陳瑟瑟口竿

疑竿上宜作笙笙亦竿屬

籥

如笛三孔

今戟

吹者筦

筦如併兩笛音管

而哭百口衆官人各口其職事以哭

百衆猶百族也

曰士女錯踊九口乃終

錯互也哭則三踊三哭而九踊所謂成躍

也喪主

伊邕哭出造舍

倚廬也

父兄宗姓及在位者從

之佐者哭

佐飲者也

且徹饋及壺鼎俎豆

皆佐者主爲之

衆官人

各口其職皆哭而出

事畢

井利口事後出而收

井利所以獨後

出者與喪祭器物收歛之也或曰井利稽慢出不及章故收縛之

癸卯大哭殤祀而

載

甲辰天子南葵盛姬於樂池之南

卽玄池也

天子

天子

天子

乃命盛姬口之卒視皇后之葬法

視猶比也

亦不拜後于

諸侯

疑字錯誤所未詳也

河濟之間共事

供給事也

韋穀黃城三邦

之事輦卒

輦謂挽輶車發三國之衆以示榮侈

七萃之士抗者卽車

舉棺

以就車

曾祝先卒

導也

大匠御棺

爲棺御也周禮曰卒祝爲御禮記曰諸侯御柩

以羽葆謂在前爲行止之節

日月之旗七星之文

言旗上畫日月及北斗星也禮

記曰日月爲旗常亦通名

鼓鍾以葬龍旗以口鳥以建鼓獸以建

鍾龍以建旗曰卒之先後及哭踊者之間畢有鍾旗

口百物卒器并利典之列于卒行靡有不備

行行伍

擊

鼓以行卒舉旗以勸之

令盡來也

擊鍾以止哭彌旗以節

之為節音節曰口祀大哭九而終擗出于門喪主即

位就哭位也周室父兄子孫倍之倍倍列位也諸侯屬子宗屬群子

王吏倍之外官王屬七萃之士倍之外官所主姬姓在外者

子弟倍之盛姬之族屬也執職之人倍之執職猶執事也百官衆人

倍之哭者七倍之列七重踊者三十行行萃百人百人為一

倍萃聚也女主即位嬖人群女倍之嬖人王所幸愛者王臣姬姓

之女倍之疑同姓之女為大夫士妻者所謂內宗也官官人倍之官官為內也

宮賢庶妾倍之庶妾衆散妾也哭者五倍踊者次從以次相從曰

天子命喪一里而擊鐘止哭曰匠人哭于車上御棺不得

下也曾祝哭于宰七萃之士哭于喪所曰小哭錯踊三

踊而行五里而次次猶止也日喪三舍至于哀次五舍至

于重壁之臺三十里爲舍也乃休休駐也天子乃周姑

繇之水以園喪車決水周繞之也是曰囿車以號水也曰

殤祀之於此復祭孟冬辛亥邢侯曹侯來吊曹國今齊陰定陶縣是也

內史將之以見天子天子告不豫而辭焉不豫辭病也尚書曰

武王不豫邢侯曹侯乃吊太子太子哭出廟門以迎邢侯

曹侯不違再拜勞之問勞之也侯不答拜謙不敢與邢侯謁哭

于廟謁告也太子先哭而入西向卽位內史賓侯儀北

向而立大哭九邢侯厝踊三而止

與太子拾踊

太子送邢

侯至廟門之外邢侯遂出太子再拜送之曹侯廟弔

入哭太子送之亦如邢侯之禮

雖吊異而禮同

壬子天子具

官見邢侯曹侯

具官備禮相見

天子還返

將歸

邢侯曹侯執見

拜天子之武一

義所未聞

天子見之乃遣邢侯曹侯歸于

其邦王官執禮共于二侯如故

言不以喜廢禮

曰天子出憲

憲以或禘賵

此以上以說賵賵命事衣物曰禘音遂

癸丑大哭而口甲寅

殤祀大哭而行喪五舍于大次曰喪三日于大次

停三

也殤祀如初辛酉大成百物皆備

送葬之物具備

壬戌葬史

錄繇鼓鍾以赤下棺也七萃之士口士女錯踊九口

寧下下謂入土昧爽天子使嬖人所愛幸者贈用文錦明衣九

領謂之明衣言神明之衣寧宗伊扈贈用變裳宗亦主變裳裳名也女主

叔姓贈用茵組茵褥百嬖人官師畢贈言盡有綏服也官師辭士號也

禮記曰官師一廟井利乃藏藏之於墓所報哭于大次報猶反也大次有次

神次也梓祠口祝寧罷哭辭于遠人辭謝遣歸爲盛姬謚曰

哀淑人恭人短折曰哀天子丘人爲丘作名是日淑人之丘乙丑

天子東征舍于五鹿叔姓思哭思哭盛姬是日女姓之丘

因以名五鹿也丁卯天子東征釣于漯水以祭淑人是日祭

丘已巳天子東征食馬于漯水之上乃鼓之棘是日

馬主

未詳所云

癸酉天子南征至于蒞臺仲冬甲戌天子

西征至於因氏

國名

天子乃釣于河以觀姑繇之木

姑繇

大木也

山海經云尋木長千里生海邊謂此木類

丁丑天子北征戊寅舍于

河上乃致父兄子弟王臣姬口禘祀畢哭

上云王臣姬姓之女

疑此亦同也

終喪于囂氏

服闋

已卯天子西濟于河囂氏之

遂庚辰舍于茅尺

地名

於是禋祀除喪始樂素服而歸

哀未志也

是日素氏天子遂西南癸未至於野王

今河內縣甲

申天子北升于大址之陞

疑此太行山也

而降休于兩栢之

有兩
栢也

天子永念傷心乃思淑人盛姬於是流涕七

萃之士萋豫上諫于天子曰自古有死有生豈獨淑

人天子不樂出於未思未思有益莫忘其新言思之
有益者

莫忘更
求新人天子哀之乃又流涕聞此言愈
更增感也是日輟已未

乙酉天子西絕鉏陞卽鉏山之坂一云癸巳遊
于井鉏之山吉日癸巳乃遂

西南戊子至于塩塩池今在河
東解縣塩音古己丑天子南登于

薄山寘軫之陞今軫橋西南懸
絕中央有兩道乃宿于虞虞國名今
太陽縣

庚申天子南征吉日辛卯天子入于南鄭

穆天子傳卷第六終

錢塘郭志學寫

西京雜記
六卷

西京雜記序

漢之西京惟固書為該練非固之能爾
亦其所資者繕也仲尼約之寶書為遷
鳩諸國史因本而成在古皆然也暇得
葛洪氏西京雜記讀之云為劉子駿所
撰以甲乙第次百卷考此固作殆是全

取劉書有小異同耳洪又抄集固所不
錄者二萬許言命曰西京雜記予於是
始知固之漢書蓋根起於子駿也乃溯
憶其所不錄之故大約有四則猥瑣可
畧閑漫無歸與夫杳昧而難憑觸忌而
須諱者也其猥瑣者則霍妻遺衍之類

是也其闊漫者則上林異植之類是也
其香昧者則宣獄佩鏡秦庫玉燈之類
是也而其觸忌者則慶郎趙后之類是
也凡若此者披金置沙法所刪棄矣至
於乘輿大駕儀在典章鮑董問對言關
理輿亦皆擯落而無採宜書而不書者

何也豈不幸存於稊記歟但今所傳且
失其半又非洪之故簡矣嗚呼後之代
儒安得如子駿者遐收彙集以待班固
者出歟誠為史家之一慨也

明吳郡黃省曾撰

西京雜記卷第一

晉 丹陽葛洪集

明 新安程榮校

漢高帝七年蕭相國營未央宮因龍首山製前殿建北闕未央宮周廻二十二里九十五步五尺街道周廻七十里臺殿四十三其三十二在外其十一在後宮池十三山六池一山一亦在後宮門闕九九十五武帝作昆明池欲伐昆吾夷教習水戰因而於上游戲養魚魚給諸陵廟祭祀餘付長安市賣之池周廻

四十里

漢制宗廟八月飲酎用九醞太牢皇帝侍祠以正月
旦作酒八月成名曰酎一曰九醞一名醇酎

京師大水祭山川以止雨丞相御史二千石禱祠如
求雨灋

天子筆管以錯寶爲跗毛皆以秋兔之毫官師路扈
爲之以雜寶爲匣廁以玉璧翠羽皆直百金

漢制天子玉几冬則加綿錦其上謂之綈几以爲牙
爲火籠籠上皆散華文後宮則五色綾文以酒爲書

滴取其不冰以玉爲硯亦取其不冰夏設羽扇冬設
繒扇八侯皆以竹木爲几冬則以細剝爲橐以憑之
不得加綈錦

武帝嘗西域獻吉光裘入水不濡上嘗服此裘以聽
朝

高帝戚夫人善鼓瑟擊筑帝常擁夫人倚瑟而絃歌
畢每泣下流漣夫人善爲翹袖折腰之舞歌出塞入
塞望歸之曲侍婢數百皆習之後宮齊首高唱聲入
雲霄

戚姬以百鍊金爲彊環照見指骨上惡之以賜侍兒
鳴王耀光等各四枚

趙王如意年幼未能親外傳戚姬使舊趙王內傅趙
媼傳之號其室曰養德宮後改爲魚藻宮

惠帝嘗與趙王同寢處呂后欲殺之而未得後帝早
獵王不能夙興呂后命力士於被中縊殺之及死呂
后不之信以綠囊盛之載以小駟車入見乃厚賜力
士力士是東郭門外官奴帝後知腰斬之后不知也
樂遊苑自生玫瑰樹樹下多首宿首宿一名懷風晉

人或謂之炆風風在其間常蕭蕭然日照其花有光采故名昔者爲懷風茂陵人謂之連枝草

太液池邊皆是彫胡紫蘂綠節之類菰之有米者長安人謂爲彫胡葭蘆之未解葉者謂之紫蘂菰之有首者謂之綠節其間鳧鷖子布滿充積又多紫龜綠鼈池邊多平沙沙上鶉鷓鷃鵠鵠鴻鴟動輒成羣

終南山多離合草葉似江薤而紅綠相雜莖皆紫色氣如蘿勒有樹直上百尺無枝上結蓂條如車蓋葉

一青一赤望之班駁如錦繡長安謂之丹青樹亦云
華蓋樹亦生熊耳山

漢帝相傳以秦王子嬰所奏白玉璽高祖斬白蛇劍
劍上有七采珠九華玉以爲飾雜廁五色琉璃爲劍
匣劍在室中光景猶照於外與挺劍不殊十二年一
加磨瑩刃上常若霜雪開匣拔鞘輒有風氣光彩射
人

漢綵女常以七月七日穿七孔鍼於開襟樓俱以習
之

宣帝被收繫郡邸獄臂上猶帶史良娣合采婉轉絲繩繫身毒國寶鏡一枚大如八銖錢舊傳此鏡見妖魅得佩之者爲天神所福故宣帝從危獲濟及卽大位每持此鏡感咽移辰常以琥珀筒盛之緘以戚里織成錦一曰斜文錦帝崩不知所在

霍光妻遺淳于衍蒲桃錦二十四匹散花綾二十五匹綾出鉅鹿陳寶光家寶光妻傳其法霍顯召入其第使作之機用一百二十鐮六十日成一匹匹直萬錢又與走珠一琲綠綾百端錢百萬黃金百兩爲起

第宅奴婢不可勝數衍猶怨曰吾爲爾成何功而報我若是哉

濟陰王興居反始舉兵大風從東來直吹其旌旗飛上天入雲而墮城西井中馬皆悲鳴不進左右李廓等諫不聽後卒自殺

五鹿充宗受學於弘成子成子少時嘗有人過已授以文石大如鷲卵成子吞之遂大明悟爲天下通儒成子後病吐出此石以授充宗充宗又爲碩學也

始元元年黃鵠下太液池上爲歌曰黃鵠飛兮下建

章羽蕭蕭今行蹒蹒金爲衣兮菊爲裳
啜荷荇出入蒹葭自顧菲薄愧爾嘉祥

漢帝送死皆珠襦玉匣匣形如鎧甲連以金縷武帝匣上皆縷爲蛟龍鸞鳳龜麟之爲世謂爲蛟龍玉匣成帝設雲帳雲幄雲幕於甘泉紫殿世謂三雲殿漢掖庭有月影臺雲光殿九華殿鳴鸞殿開襟閣臨池觀不在簿籍皆繁華窈窕之所棲宿焉

趙飛鸞女弟居昭陽殿中庭彤朱而殿上丹漆砌皆銅沓黃金塗白玉階壁帶往往爲黃金釭含藍田壁

明珠翠羽飾之上設九金龍皆銜九子金鈴五色流蘇帶以綠文紫綬金銀花鐺每好風日幡旒光影照耀一殿鈴鐺之聲驚動左右中設木畫屏風文如蜘蛛絲縷玉几玉牀白爲牙簾綠熊席席毛長二尺餘人眠而擁毛自蔽望之不能見坐則沒膝其中雜熏諸香一坐此席餘香百日不歇有四王鎮皆達照無瑕缺窓扉多是綠琉璃亦皆達照毛髮不得藏焉椽桷皆刻作龍蛇縈繞其間麟甲分明見者莫不兢慄匠人丁緩李菊巧爲天下第一締構旣成向其姊子

樊延年說之而外人稀知莫能傳者

積草池中有珊瑚樹高一丈二尺一本三柯上有四百六十二條是南越王趙佗所獻號爲烽火樹至夜光景常欲燃

昆明池刻玉石爲魚每至雷雨魚常鳴吼鬣尾皆動漢世祭之以祈雨往往有驗

初修上林苑羣臣遠方各獻名果異樹亦有製爲美

名以標竒麗○梨十紫梨青梨實大芳梨實小大谷梨細

葉梨縹葉梨大金葉梨出琅琊王蜀家瀚海梨出瀚海

太守王唐所獻

比耐寒

不東王梨

出海中

紫條梨○棗七弱枝棗王門棗棠棗

青華棗柶棗赤心棗西王棗

出崑崙山

○栗四侯栗榛栗

瑰栗嶧陽栗

嶧陽都尉曹龍所獻大如拳

○桃十秦桃欖桃緗核

桃金城桃綺葉桃紫文桃霜桃

霜下可食

胡桃

出西域

櫻桃

含桃○李十五紫李綠李朱李黃李青綺李青房李

同心李車下李含枝李金枝李顏淵李

出魯

羌李燕李

蠻李侯李○柰三白柰紫柰

花紫色

綠柰

花綠色

○查三

蠻查羌查猴查○榭三青榭青葉榭烏榭○棠四赤

棠白棠青棠沙棠○梅七朱梅紫葉梅紫花梅同心

梅麗枝梅燕梅猴梅○杏二文杏

材有蓬萊杏
東郭

于吉所獻一株花雜五色六出云是仙人所食

○桐三檜桐梧桐荆梧○林

檜十株○枇杷十株○橙十株○安石榴○檉十株

○白銀樹十株○黃銀樹十株○槐六百四十株○

千年長生樹十株○萬年長生樹十株○扶老木十

株○守宮槐十株○金明樹二十株○搖風樹十株

○鳴風樹十株○琉璃樹七株○池離樹十株○離

婁樹十株○柗四株○樅七株○白俞榴杜榴桂蜀

漆樹十株○栝十株○楔四株○楓四株

余就上林令虞淵得朝臣所上草木名二千餘種隣人石瓊就余求借一皆遺棄今以所記憶列於篇古長安巧工丁緩者爲常滿燈七龍五鳳雜以芙蓉蓮藕之奇又作卧褥香鑪一名被中香鑪本出房風其法後絕至緩始更爲之爲機環轉運四周而鑪體常平可置之被褥故以爲名又作九層博山香鑪鏤爲奇禽怪獸窮諸靈異皆自然運動

又作七輪扇連七輪大皆徑丈相連續一人運之蒲堂寒顛

趙飛鸞爲皇后其女弟在昭陽殿遺飛鸞書曰今日
嘉辰貴姊懋膺洪冊謹上綵三十五條以陳踊躍之
心

金萼紫輪帽 金萼紫輪面衣 織成上襦 織成

下裳 五色文綬 鴛鴦襦 鴛鴦被 鴛鴦褥

金錯繡襜 七寶綦履 五色文玉環 同心七寶

釵 黃金步搖 合歡圓璫 琥珀枕 龜文枕

珊瑚珖 馬腦彊 雲母扇 孔雀扇 翠羽扇

九華扇 五明扇 雲母屏風 琉璃屏風 五層

金博山香鑪 迴風扇 椰葉席 同心梅 含枝

李 青木香 沈水香 香螺卮 出南海一名丹螺 九真

雄麝香 七枝鎿

趙后體輕腰弱善行步進退女弟昭儀不能及也但昭儀弱骨豐肌尤工笑語二人並色如紅玉爲當時第一皆擅寵後宮

西京雜記卷第一終

西京雜記卷第二

晉 丹陽葛洪集

明 新安程榮校

元帝後宮既多不得常見乃使畫工圖形案圖召幸之諸宮人皆賂畫工多者十萬少者亦不減五萬獨王嬙不肯遂不得見匈奴入朝求美人爲闕氏於是上案圖以昭君行及去召見貌爲後宮第一善應對舉止閑雅帝悔之而名籍已定帝重信於外國故不復更人乃窮案其事畫工皆棄市籍其家資皆巨萬

畫工有杜陵毛延壽爲人形醜好老少必得其真安陵陳敞新豐劉白龔寬並工爲牛馬飛鳥衆勢人形好醜不逮延壽下杜陽望亦善畫尤善布色樊育亦善布色同日棄市京師畫工於是差稀

武帝欲殺乳母乳母告急於東方朔朔曰帝恐而復旁人言之益死之速耳汝臨去但屢顧我我當設竒以激之乳母如言朔在帝側曰汝宜速去帝今已大豈念汝乳哺時恩邪帝愴然遂舍之

五侯不相能賓客不得來往婁護豐辯傳食五侯間

各得其權心競致奇膳護乃合以爲鯖世稱五侯鯖以爲奇味焉

公孫弘起家徒步爲丞相故人高賀從之弘食以脫粟飯覆以布被賀怨曰何用故人富貴爲脫粟布被我自有的弘大慙賀告人曰公孫弘內服貂蟬外衣麻桌內厨五鼎外膳一肴豈可以示天下於是朝廷疑其矯焉弘嘆曰寧逢惡賓不逢故人

文帝自代還有良馬九匹皆天下之駿馬也一名浮雲一名赤電一名絕羣一名逸驃一名紫鸞騮一名

綠鸞驄一名龍子一名麟駒一名絕塵號爲九逸有
來宣能御代王號爲王良俱還代邸

武帝時身毒國獻連環羈皆以白玉作之馬璫石爲
勒白光琉璃爲鞍鞍在閭室中常照十餘丈如晝日
自是長安始盛飾鞍馬競加雕鏤或一馬之飾直百
金皆以南海白蜃爲珂紫金爲萼以飾其上猶以不
鳴爲患或加以鈴鐻飾以流蘇走則如撞鐘磬若飛
幡葆後得貳師天馬帝以玟珉石爲鞍鏤以金銀鍮
石以綠地五色錦爲菽泥後稍以熊羆皮爲之熊羆

毛有綠光皆長二尺者直百金卓王孫有百餘雉詔使獻二十枚

昭帝時茂陵家人獻寶劍上銘曰直千金壽萬歲

司馬相如初與卓文君還成都居貧愁懣以所著鸕鷀裘就市人陽昌贖酒與文君爲懼旣而文君抱頸而泣曰我平生富足今乃以衣裘贖酒遂相與謀於成都賣酒相如親著犢鼻禪滌噐以耻王孫王孫果以爲病乃厚給文君文君遂爲富人文君姣好眉色如望遠山臉際常若芙蓉肌膚柔滑如脂十七而寡

爲人放誕風流故悅長卿之才而越禮焉長卿素有
消渴疾及還成都悅文君之色遂以發痼疾乃作美
人賦欲以自刺而終不能改卒以此疾至死文君爲
誄傳於世

慶安世年十五爲成帝侍郎善鼓琴能爲雙鳳離鸞
之曲趙后悅之白上得出入御內絕見愛幸常著輕
絲履招風扇紫綈裘與后同居處欲有子而終無胤
嗣趙后自以無子常託以祈禱別開一室自左右侍
婢以外莫得至者上亦不得至焉以輶車載輕薄少

年爲女子服入後宮者日以十數與之淫通無時休息有疲怠者輒差代之而卒無子

太上皇徙長安居深宮悽愴不樂高祖竊因左右問其故以平生所好皆屠販少年酤酒賣餅鬪鷄蹴踘以此爲權今皆無此故以不樂高祖乃作新豐移諸故人實之太上皇乃悅故新豐多無賴無衣冠子弟故也高祖少時常祭枌榆之社及移新豐亦還立焉高帝旣作新豐并移舊社衢巷棟宇物色惟舊士女老幼相攜路首各知其室放犬羊雞鴨於通塗赤競

識其家其匠人胡寬所營也移者皆悅其似而德之故競加賞贈月餘致累百金

漢諸陵寢皆以竹爲簾簾皆爲水紋及龍鳳之像昭陽殿織珠爲簾風至則鳴如珩珮之聲

楊雄讀書有人語之曰無爲自苦玄故難傳忽然不見雄著太玄經夢吐鳳凰集玄之上頃而滅

司馬相如爲上林子虛賦意思蕭散不復與外事相關控引天地錯綜古今忽然如睡煥然而興幾百日而後成其友人盛覽字長通牂牁名士嘗問以作賦

相如曰合綦組以成文列錦繡而爲質一經一緯一官一商此賦之迹也賦家之心苞括宇宙總覽人物斯乃得之於內不可得而傳覽乃作合組歌列錦賦而退終身不復敢言作賦之心矣

董仲舒夢蛟龍入懷乃作春秋繁露詞

或問楊雄爲賦雄曰讀千首賦乃能爲之

匡衡字稚圭勤學而無燭隣舍有燭而不逮衡乃穿壁引其光以書暎光而讀之邑人大姓文不識家富多書衡乃與其傭作而不求償主人怪問衡衡曰願

得主人書遍讀之主人感嘆資給以書遂成大學衡
能說詩時人爲之語曰無說詩匡鼎來匡說詩解人
頤出衡小名也時人畏服之如是聞者皆解頤懽笑
衡邑人有言詩者衡從之與語質疑邑人挫服倒屣
而去衡追之曰先生留聽更理前論邑人曰窮矣遂
去不反

長安有儒生曰惠莊聞朱雲折五鹿充宗之角乃歎
息曰粟犢反能爾邪吾終耻溺死溝中遂裹糲從雲
雲與言莊不能對逡巡而去拊心謂人曰吾口不能

劇談此中多有

武帝過李夫人就取玉簪搔頭自此後宮人搔頭皆用玉玉價倍貴焉

杜陵杜夫子善奕碁爲天下第一人或譏其費日夫子曰精其理者足以大裨聖教

成帝好蹴鞠羣臣以蹴鞠爲勞體非至尊所宜帝曰朕好之可擇似而不勞者奏之家君作彈碁以獻帝大悅賜青羔裘紫絲履服以朝覲

元封二年大寒雪深五尺野鳥獸皆死牛馬皆蹇躓

如蝟三輔人民凍死者十有三

武帝爲七寶牀雜寶按廁寶屏風列寶帳設於桂宮
昔人謂之四寶宮

瓠子河決有蛟龍從九子自決中逆上入河噴沫流
波數十里

文帝初多雨積霖至百日而止

王鳳以五月五日生其父欲不舉曰俗諺舉五日子
長及戶則自害不則害其父母其叔父曰昔田文以
此日生其父嬰勅其母曰勿舉其母竊舉之後爲孟

嘗君號其母爲薛公大家以古事推之非不祥也遂舉之

惠帝七年夏雷震南山大木數千株皆火燃至末其下數十畝地草皆焦黃其後百許日家人就其間得龍骨一具鮫骨二具

高祖爲泗水亭長送徒驪山將與故人訣去徒卒贈高祖酒二壺鹿肝牛肝各一高祖與樂從者飲酒食肉而去後卽帝位朝晡尚食常具此二炙并酒二壺梁孝王好營宮室苑囿之樂作曜華之宮築兔園園

中有百靈山山有膚寸石落猿巖棲龍岫又有鴈池池間有鶴洲鳧堵其諸宮觀相連延亘數十里奇異異樹瑰禽怪獸畢備王日與宮人賓客弋釣其中

魯恭王好鬪雞鴨及鷺鴈養孔雀鵠鵲俸穀一年費二千石

會稽歲昔獻竹簟供御世號爲流黃簟

朱買臣爲會稽太守懷章綬還至舍亭而國人未知也所知錢勃見其暴露乃勞之曰得無罷乎遺與絺扇買臣至郡引爲上客尋遷爲掾史

卷第二終

西京雜記卷第三

晉 丹陽葛洪集

明 新安程榮校

余所知有鞠道龍善爲幻術向余說古昔事有東海人黃公少嘗爲術能制龍御虎佩赤金刀以絳繒束髮立興雲霧坐成山河及衰老氣力羸憊飲酒過度不能復行其術秦末有白虎見於東海黃公乃以赤刀往厭之術旣不行遂爲虎所殺三輔人俗用以爲戲漢帝亦取以爲角抵之戲焉 又說淮南王好方

士方士皆以術見遂有畫地成江河撮土爲山巖噓
吸爲寒暑噴嗽爲雨霧王亦卒與諸方士俱去

楊子雲好事常懷鉛提槧從諸計吏訪殊方絕域四
方之語以爲裨補輜軒所載亦洪意也

文帝嘗鄧通得賜蜀銅山聽得鑄錢文字肉好皆與
天子錢同故富侔人主嘗吳王亦有銅山鑄錢故有
吳錢微重文字肉好與漢錢不異

楊貴字王孫京兆人也生嘗厚自奉養死卒裸葬於
終南山其子孫掘土鑿石深七尺而下屍上復蓋之

以石欲儉而反奢也

傅介子年十四好學書嘗棄觚而歎曰大丈夫當立功絕域何能坐事散儒後卒斬匈奴使者還拜中郎復斬樓蘭王首封義陽侯

余少嘗聞平陵曹敞在吳章門下往往好斥人過以爲輕薄世人皆以爲然章後爲王莽所殺人無有敢收葬者弟子皆更易姓名以從他師敞嘗爲司徒掾獨稱吳章弟子收葬其屍方知亮直者不見容於兄輩中矣平陵人生爲立碑於吳章墓側在龍首山南

幕嶺上

文帝爲太子立思賢苑以招賓客苑中有堂隍六所
客館皆廣無高軒屏風幃褥甚麗

廣陵王胥有勇力常於別園學格熊後遂能空手搏
之莫不絕脰後爲獸所傷陷腦而死

郭威字文偉茂陵人也好讀書以謂爾雅周公所制
而爾雅有張仲孝友張仲宣王胥人非周公之制明
矣余嘗以問楊子雲子雲曰孔子門徒游夏之儔所
記以解釋六藝者也家君以爲外戚傳稱史佚教其

子以爾雅爾雅小學也又記言孔子教魯哀公學爾雅爾雅之出遠矣舊傳學者皆云周公所記也張仲孝友之類後人所足耳

茂陵富人袁廣漢藏鐵巨萬家僮八九百人於北邙山下築園東西四里南北五里激流水注其內構石爲山高十餘丈連延數里養白鸚鵡紫鴛鴦羗牛青兕奇獸怪禽委積其間積沙爲洲藁激水爲浪潮其中致江鷗海鶴孕雛產殼延漫林池奇樹異草靡不具植屋皆徘徊連屬重閣修廊行之移晷不能徧也

廣漢後有罪誅沒入爲官園鳥獸草木皆移植上林苑中

五柞宮有五柞樹皆連三抱上枝蔭覆數十畝其宮西有青梧觀觀前有三梧桐樹樹下有石騏驎二枚刊其脇爲文字是秦始皇鄜山墓上物也頭高一丈三尺東邊者前左脚折折處有赤如血父老謂其有神皆含血屬筋焉

高祖初入咸陽宮周行庫府金玉珍寶不可稱言其尤驚異者有青玉五枝燈高七尺五寸作蟠螭以口

銜燈燈燃鱗甲皆動煥炳若列星而盈室焉復鑄銅人十二枚坐皆高三尺列在一筵上琴筑笙竽各有所執皆綴花采儼若生人筵下有二銅管上口高數尺出筵後其一管空一管內有繩大如指使一人吹空管一人組繩則衆樂皆作與真樂不異焉有琴長六尺安十三絃二十六徽皆用七寶飾之銘曰璠璣之樂玉管長二尺三寸二十六孔吹之則見車馬山林隱鱗相次吹息亦不復見銘曰昭華之瑄有方鏡廣四尺高五尺九寸表裏有明人直來照之影則倒

見以手捫心而來則見腸胃五臟歷然無礙人有疾
病在內則掩心而照之則知病之所在又女子有邪
心則膽張心動秦始皇常以照宮人膽張心動者則
殺之高祖悉封閉以待項羽羽將以東後不知所
在

尉佗獻高祖鮫魚荔枝高祖報以蒲桃錦四匹

戚夫人侍兒賈佩蘭後出爲扶風人段儒妻說在宮
內昔見戚夫人侍高帝嘗以趙王如意爲言而高祖
思之幾半日不言歎息悽愴而未知其術輒使夫人

擊筑高祖歌大風詩以和之又說在宮內嘗以絃
管歌舞相歡娛競爲妖服以趣良嘗十月十五日共
入靈女廟以豚黍樂神吹笛擊筑歌上靈之曲旣而
相與連臂踏地爲節歌赤鳳凰來至七月七日臨百
子池作于闐樂樂畢以五色縷相羈謂爲相連愛八
月四日出雕房北戶竹下圍碁勝者終年有福負者
終年疾病取絲縷就北辰星求長命乃免九月九日
佩茱萸食蓬餌飲菊華酒令人長壽菊華舒時并採
萑葉雜黍米釀之至來年九月九日始熟就飲焉故

謂之菊華酒正月上辰出池邊盥濯食蓬餌以祓妖
邪三月上巳張樂於流水如此終戚焉戚夫人死侍
兒皆復爲民妻也

何武葬北邙山薄龍坂王嘉冢東北一里

杜子夏葬長安北四里臨終作文曰魏郡杜鄴立志
忠款犬馬未陳奄先草露骨肉歸於后土氣魂無所
不之何必故丘然後卽化封於長安北郭此焉宴息
及死命刊石埋於墓側墓前種松柏樹五株至今茂

盛

淮南王安著鴻烈二十一篇鴻大也烈明也言大明禮教號爲淮南子一曰劉安子自云字中皆挾風霜楊子雲以爲一出入

公孫弘著公孫子言刑名事亦謂字直百金

司馬長卿賦昔人皆稱典而麗雖詩人之作不能加也楊子雲曰長卿賦不似從人間來其神化所至邪子雲學相如爲賦而弗逮故雅服焉

長安有慶虬之亦善爲賦嘗爲清思賦昔人不之貴也乃託以相如所作遂大見重於世

相如將獻賦未知所爲夢一黃衣翁謂之曰可爲大人賦遂作大人賦言神仙之事以獻之賜錦四匹

相如將聘茂陵人女爲妾卓文君作白頭吟以自絕相如乃止

樊將軍噲問陸賈曰自古人君皆云受命於天云有瑞應豈有是乎賈應之曰有之夫目睜得酒食燈火芻得錢財乾鵲噪而行人至蜘蛛集而百事喜小旣有徵大亦宜然故目睜則呪之火芻則拜之乾鵲噪則餒之蜘蛛集則放之况天下大寶人君重位非天

命何以得之哉瑞者寶也信也天以寶爲信應人之德故曰瑞應無天命無寶信不可以力取也

霍將軍妻一產二子疑所爲兄弟或曰前生爲兄後生者爲弟今雖俱日亦宜以先生爲兄或曰居上者宜爲兄居下宜爲弟居下者前生今宜以前生爲弟昔霍光聞之曰昔殷王祖甲一產二子曰囂曰良以卯日生囂以巳日生良則以囂爲兄以良爲弟若以在上者爲兄囂亦當爲弟昔許釐莊公一產二女曰妖曰茂楚大夫唐勒一產二子一男一女男曰貞夫

女曰瓊華皆以先生爲長近代鄭昌昔文長禧並生
二男滕公一生二女李黎生一男一女並以前生者
爲長霍氏亦以前生爲兄焉

枚臯文章敏疾長卿制作淹遲皆盡一昔之譽而長
卿首尾溫麗枚臯昔有累句故知疾行無善迹矣楊
子雲曰軍旅之際戎馬之間飛書馳檄用枚臯廊廟
之下朝廷之中高文典冊用相如

西京雜記卷第四

晉 丹陽葛洪集

明 新安程榮校

安定崑真少子晁曹元理並明美術皆成帝嘗入真嘗
自美其年壽七十三真綏和元年正月二十五日晡
死書其壁以記之至二十四日晡嘗死其妻曰見真
真肯長下一算欲以告之慮脫有肯故不敢言今果
校一日真又曰北邙青隴上孤櫬之西四丈所鑿之
入七尺吾欲葬此地及真死依言往掘得古肯空櫬

卽以葬焉

元理嘗從其友人陳廣漢廣漢曰吾有二困米忘其石數子爲計之元理以食筋十餘轉曰東困七百四十九石二升七合又十餘轉曰西困六百九十七石八斗遂大署困門後出米西困六百九十七石七斗九升中有一鼠大堪一升東困不差圭合元理後歲復過廣漢廣漢以米數告之元理以手擊牀曰遂不知鼠之殊米不如剝面皮矣廣漢爲之取酒鹿脯數片元理復莫曰諸蔑二十五區應收一千五百三十

六枚躡鴟三十七畝應收六百七十二石千牛產二百犢萬雞將五萬鷄羊豕鵝鴨皆道其數果蔬肴藪悉知其所乃曰此資業之廣何供饋之備邪廣漢慙曰有倉卒客無倉卒主人元理曰俎上蒸豕一頭厨中荔枝一梓皆可爲設廣漢再拜謝畢自入取之盡日爲歡其術後傳南李傳項瑄瑄傳子陸皆得其分數而失玄妙焉

衛將軍青生子或有獻騮馬者乃命其子曰騮字叔馬其後改爲登字叔昇

哀帝爲董賢起大第於北闕下重五殿洞六門柱壁皆畫雲氣萼藹山靈水怪或衣以綈錦或飾以金玉南門三重署曰南中門南上門南更門東西各三門隨方面題署亦如之樓閣臺榭轉相連注山池玩好窮盡雕麗

平津侯自以布衣爲宰相乃開東閣營客館以招天下之士其一曰欽賢館以待大賢次曰翹材館以待大才次曰接士館以待國士其有德任毗贊佐理陰陽者處欽賢之館其有才堪九烈將軍二千石者居

翹材之館其有一介之善一方之藝居接士之館而躬自菲薄所得俸祿以奉待之

閩越王獻高帝石蜜五斛蜜燭二百枚白鷓黑鷓各一雙高帝大悅厚報遣其使

滕公駕至東都門馬鳴跼不肯前以足跑地久之滕公使士卒掘馬所跑地入三尺所得石槲滕公以燭照之有銘焉乃以水洗寫其文文字皆古異左右莫能知以問叔孫通通曰科斗書也以今文寫之曰佳城鬱鬱三千年見白日吁嗟滕公居此室滕公曰嗟

乎天也吾死其卽安此乎死遂葬焉

韓嫣好彈常以金爲丸所失者日有十餘長安爲之語曰苦饑寒逐金丸京師兒童每聞嫣出彈輒隨之望丸之所落輒拾焉

司馬遷發憤作史記百三十篇先達稱爲良史之才其以伯夷居列傳之首以爲善而無報也爲項羽本紀以踞高位者非關有德也及其序屈原賈誼辭旨抑揚悲而不傷亦近代之偉才

梁孝王遊於忘憂之館集諸遊士各使爲賦枚乘爲

柳賦其辭曰忘憂之館垂條之木枝透遲而含紫葉
萋萋而吐綠出入風雲去來羽族旣上下而好音亦
黃衣而絳足蝸塘厲響蜘蛛吐絲階草漠漠白日遲
遲于嗟細柳流亂輕絲君王淵穆其度御羣英而翫
之小臣瞽聵與此陳詞于嗟樂兮於是罇盈縹玉之
酒爵獻金漿之醪

梁人作蕭燕
酒名金漿

庶羞千族盈滿六庖

弱絲清管與風霜而共雕鎗鏗啾唧蕭條寂寥儻又
英旄列襟聯袍小臣莫效於鴻毛空銜鮮而嗽醪雖
復河清海竭終無增景於邊撩

路喬如爲鶴賦其詞曰白鳥朱冠鼓翼池干舉修距
而躍躍奮皓翅之猗猗宛修頸而顧步啄沙磧而相
懽豈忘赤霄之上忽池籩而盤桓飲清流而不舉食
稻梁而未安故知野禽野性未脫籠樊賴吾王之廣
愛雖禽鳥兮抱恩方騰驤而鳴舞馮朱檻而爲歡

公孫詭爲文鹿賦其詞曰塵鹿濯濯來我槐庭食我
槐葉懷我德聲質如紉縟文如素綦啣啣相召小雅
之詩歎丘山之比歲逢梁王於一昔

鄒陽爲酒賦其詞曰清者爲酒濁者爲醴清者聖明

濁者頑駮皆麴滓丘之麥釀野田之米倉風莫預方
金未啓嗟同物而異味歎殊才而共侍流光醪醪其
滋泥泥醪釀既成綠瓷既啓且匡且漉載管載齊庶
民以爲歡君子以爲禮其品類則沙洛淶鄗程鄉若
下高公之清關中白薄清渚縈停凝醪醇耐千日一
醒哲王臨國綽矣多暇召皤皤之臣聚肅肅之賓安
廣坐列雕屏綃綺爲席犀璫爲鎮曳長裾飛廣袖奮
長纓英偉之士莞爾而卽之君王憑玉几倚玉屏舉
手一勞四座之士皆若哺梁焉乃縱酒作倡傾盃覆

觴右曰宮中旁亦徵揚樂只之深不狂於是錫名餌
祛夕醉遣朝醒吾君壽億萬歲常與日月爭光

公孫乘爲月賦其辭曰月出瞰兮君子之光鷄雞舞
於蘭渚蟋蟀鳴於西堂君有禮樂我有衣裳荷嗟明
月當心而出隱員巖而似鉤蔽修堞而分鏡旣少進
以增輝遂臨庭而高映炎日匪明皓壁非淨躔度運
行陰陽以正文林辯圓小臣不佞

羊勝爲屏風賦其辭曰屏風韜匝蔽我君王重葩累
繡沓辟連璋飾以文錦映以流黃畫以古列顯顯昂

昂藩后宜之壽考無疆

韓安國作几賦不成鄒陽代作其辭曰高樹凌雲蟠
紆煩寃旁生附枝王爾公舒之徒荷斧斤援葛藟攀
喬枝上不測之絕頂代之以歸眇者督直聾者磨礮
齊貢金斧楚入名工迺成斯几離奇髮髯似龍盤馬
迴鳳去鸞歸君王憑之聖德日躋鄒陽安國罰酒三
升賜枚乘路喬如絹人五匹

梁孝王入朝與上爲家人之讌乃問王諸子王頓首
謝曰有五男卽拜爲列侯賜與衣裳噐服王薨又分

梁國爲五進五侯皆爲王

河間王德築日華宮置客館二十餘區以待學士自奉養不踰賓客

梁孝王子賈從朝羊幼竇太后欲強冠婚之上謂王曰兒堪冠矣王頓首謝曰臣聞禮二十而冠冠而字字以表德自非顯才高行安可強冠之哉帝曰兒堪冠矣餘日帝又曰兒堪室矣王頓首曰臣聞禮三十壯有室兒年蒙悼未有人父之端安可強室之哉帝曰兒堪室矣餘日賈朝至闔而遺其烏帝曰兒真幼

矣白太后未可冠婚之

江都王勁捷能超七尺屏風

元后在家嘗有白鷺銜白石大如指墜后續筐中后取之石自剖爲二其中有文曰母天地后乃合之遂復還合乃寶錄焉後爲皇后常并置甌箆中謂爲天甌也

漢朝以玉爲虎子以爲便器使侍中執之行幸以從中書以武都紫泥爲甌室加綠綈其上

茂陵文固陽本瑯琊人善馴野雉爲媒用以射雉每

以三春之月爲茅障以自翳用觥矢以射之日連百
數茂陵輕薄者化之皆以雜寶錯廁翳障以青州蘆
葦爲弩矢輕騎妖服追隨於道路以爲懽娛也陽死
其子亦善其事董司馬好之以爲上客

茂陵少年李亨好馳駿狗逐狡獸或以鷹鷂逐雉兔
皆爲之佳名狗則有脩毫蒼睫白望青曹之名鷹則
有青翅黃眸青冥金距之屬鷂則有從風鷂孤飛鷂
楊萬羊有猛犬名青駁買之百金

成帝昔交趾越雋獻長鳴鷄伺晨鷄卽下漏驗之畧

刻無差長鳴雞則一食頃不絕長距善鬪

許博昌安陵人也善陸博寶嬰好之常與居處其術曰方畔揭道張張畔揭道方張究屈玄高高玄屈究張又曰張道揭畔方方畔揭道張張究屈玄高高玄屈究張三輔兒童皆誦之法用六箸或謂之究以竹爲之長六分或用二箸博昌又作大博經一篇今世傳

高祖與項羽戰於垓下孔將軍居左費將軍居右皆假爲各

東方生善嘯每曼聲長嘯輒塵落帽

京兆有古生者學從橫揣磨弄矢槌丸擣蒲之術爲
都掾史四十餘年善詆謾二千石隨以諧譎皆握其
權要而得其歡心趙廣漢爲京兆尹下車而黜之終
于家京師至今俳戲皆稱古掾曹

晏敬始因虞將軍請見高祖衣旃衣披羊裘虞將軍
脫其身上衣服以衣之敬曰敬本衣帛則衣帛見敬
本衣旃則衣旃見今捨旃褐假鮮華是常也不敢
脫羊裘而衣旃衣以見高祖

雜記卷第四終

西京雜記卷第五

漢 丹陽葛洪集

明 新安程榮校

會稽人顧翺少失父事母至孝母好食雕胡飯常帥
子女躬自採擷還家導水鑿川自種供養母有羸儲
家亦近太湖湖中後自生雕胡無復餘草蟲鳥不敢
至焉遂得以爲養郡縣表其閭舍

齊人劉道強善彈琴能作單鶴寡鳧之美聽者皆悲
不能自攝

趙后有寶琴曰鳳凰皆以金玉隱起爲龍鳳螭鸞古
賢列女之爲亦善爲歸風送遠之操

公孫弘以元光五年爲國士所推上爲賢良國人鄒
長倩以其家貧少自資致乃解衣裳以衣之釋所著
冠履以與之又贈以芻一束素絲一襜撲滿一枚書
題遺之曰夫人無幽顯道在則爲尊雖生芻之賤也
不能脫落君子故贈君生芻一束詩人所謂生芻一
束其人如玉五絲爲緝倍緝爲升倍升爲絨倍絨爲
紀倍紀爲纒倍纒爲禭此自少之多自微至著也類

士之立功勲故贈君素絲一襪撲滿者以土爲噐以蓄錢具其有入竅而無出竅滿則撲之士麤物也錢重貨也入而不出積而不散故撲之士有聚斂而不能散者將有撲滿之敗而不可誠歟故贈君撲滿一枚猗嗟盛歟山川阻修加以風露次卿足下勉作功名竊在下風以俟嘉譽弘荅爛敗不存

漢朝輿駕祠甘泉汾陰備千乘萬騎大僕執轡大將軍陪乘名爲大駕

司馬車駕四中道

辟惡車駕四中道

記道車駕四中道

靖室車駕四中道

為車鼓吹十三人中道

式道候二人駕一左右一人

長安都尉四人騎

左右各二人

長安亭長十人駕

左右各五人

長安令車駕三中道

京兆掾史三人駕一

三分

京兆尹車駕四中道

司隸部京兆從事都部

從事別駕一車

三分

司隸校尉駕四中道

廷尉駕四中道

太僕宗正引從事駕四

左右

太常光祿衛尉駕四

三分

太尉外部都督令史賊曹屬倉曹屬戶曹屬東曹掾

西曹掾駕一

左右各三

太尉駕四中道

太尉舍人祭酒駕一

左右

司徒列從如太尉王公騎

令史持戟吏亦各八人鼓吹十部

中護軍騎中道

左右各三行戟楯弓矢鼓吹各一部

步兵校尉長水校尉駕一

左右

隊百匹

左右

騎隊十

左右各五

前軍將軍

左右各二行戟楯刀楯鼓吹各一部七人

驍騎將軍游擊將軍駕二

左右二竹戟楯刀楯鼓吹各一部七人

黃門前部鼓吹左右各一部十三人駕四

前黃麾騎中道

自此分爲八校

左四
右四

護駕御史騎

左右

御史中丞駕一中道

謁者僕射駕四

武剛車駕四中道

九游車駕四中道

雲罕車駕四中道

皮軒車駕四中道

關戟車駕四中道

鸞旗車駕四中道

建華車駕四中道

左右

虎賁中郎將車駕二中道

護駕尚書郎三人騎

三分

護駕尚書三中道

相風鳥車駕四中道

自此分爲十二校

左右各六

殿中御史騎

左右

興兵中郎騎中道

高華中道

畢罕

左右

節十六

左右八

御馬

三分

華蓋中道

自此分爲十六校

左右八

剛鼓中道金根車

自此分爲二十校滿道

左衛 右衛將軍

華蓋自此後糜爛不存

元光元年七月京師雨雹鮑敞問董仲舒曰雹何物也何氣而生之仲舒曰陰氣脅陽氣天地之氣陰陽相半和氣周迴朝夕不息陽德用事則和氣皆陽建巳之月是也故謂之正陽之月陰德用事則和氣皆陰建亥之月是也故謂之正陰之月十月陰雖用事而陰不孤立此月純陰疑於無陽故謂之陽月詩人所謂日月陽止者也四月陽雖用事而陽不獨存此月純陽疑於無陰故亦謂之陰月自十月已後陽氣

始生於地下漸冉流散故言息也陰氣轉收故言消也日夜滋生遂至四月純陽用事自四月已後陰氣始生於天上漸冉流散故云息也陽氣轉收故言消也日夜滋生遂至十月純陰用事二月八月陰陽正等無多少也以此推移無有差隱運動抑揚更相動薄則熏蒿歛蒸而風雨雲霧雷電雪雹生焉氣上薄爲雨下薄爲霧風其噫也雲其氣也雷其相擊之聲也電其相擊之光也二氣之初蒸也若有若無若實若虛若方若圓攢聚相合其體稍重故雨乘虛而墜

風多則合速故雨大而踈風少則合遲故雨細而密
其寒月則雨凝於上體尚輕微而因風相襲故成雪
爲寒有高下上暖下寒則上合爲大雨下凝爲冰霰
雪是也雹霰之流也陰氣暴上雨則凝結成雹焉太
平之世則風不鳴條開甲散萌而已雨不破塊潤葉
津莖而已雷不驚人號令啟發而已電不眩目宣示
光耀而已霧不寒望浸淫被泊而已雪不封條凌殄
毒害而已雲則五色而爲慶三色而成霽露則結味
而成甘結潤而成膏此聖人之在上則陰陽和風雨

皆也政多紕繆則陰陽不調風發屋雨溢河雪至牛
目電殺驢馬此皆陰陽相蕩而爲稔沴之妖也敞曰
四月無陰十月無陽何以明陰不孤立陽不獨存邪
仲舒曰陰陽雖異而所資一氣也陽用事此則氣爲
陽陰用事此則氣爲陰陰陽之昔雖異而二體常存
猶如一鼎之水而未加火純陰也加火極熱純陽也
純陽則無陰息火水寒則更陰矣純陰則無陽加火
水熱則更陽矣然則建巳之月爲純陽不容都無復
陰也但是陽家用事陽氣之極耳薺麥枯由陰殺也

建亥之月爲純陰不容都無復陽也但是陰家用事陰氣之極耳薺麥始生由陽升也其著者葶藶死於盛夏欵冬華於嚴寒水極陰而有溫泉火至陽而有涼焰故知陰不得無陽陽不容都無陰也敞曰冬雨必暖夏雨必涼何也曰冬氣多寒陽氣自上躋故人得其暖而上蒸成雪矣夏氣多暖陰氣自下昇故人得其涼而上蒸成雨矣敞曰雨旣陰陽相蒸四月純陽十月純陰斯則無一氣相薄則不雨乎曰然則純陽純陰雖在四月十月但月中之一日耳敞曰月中

何日曰純陽用事未夏至一日純陰用事未冬至一日朔旦夏至冬至其正氣也敞曰然則未至一日其不雨乎曰然頗有之則妖也和氣之中自生災沴能使陰陽改節暖涼失度敞曰災沴之氣其常存邪曰無也皆生耳猶乎人四支五臟中也有皆及其病也四支五臟皆病也敞遷延負牆俛揖而退

武帝嘗郭舍人善投壺以竹爲矢不用棘也古之投壺取中而不求還故實小豆惡其矢躍而出也郭舍人則激矢令還一矢百餘反謂之爲驍言如博之堅

棊於輩中爲驍傑也每爲武帝投壺輒賜金帛

武帝以爲牙爲簞賜李夫人

賈誼在長沙鵬鳥集其承塵長沙俗以鵬鳥至人家
主人死誼作鵬鳥賦齊死生等榮辱以遣憂累焉

李廣與兄弟共獵於冥山之北見卧虎焉射之一矢
卽斃斷其髑髏以爲枕示服猛也鑄銅爲其形爲澣
器示厭辱之也他日復獵於冥山之陽又見卧虎躡
之没矢飲羽進而視之乃石也其形類虎退而舐更
鏃破斨折而石不傷余嘗以問楊子雲子雲曰至誠

則金石爲開余應之曰昔人有遊東海者旣而風惡
船漂不能制船隨風浪莫知所之一日一夜得至一
孤洲共侶歡然下石植纜登洲煮食食未熟而洲沒
在船者斫斷其纜船復漂蕩向者孤洲乃大魚怒掉
揚鬣吸波吐浪而去疾如風雲在洲死者十餘人又
余所知陳縞質木人也入終南山采薪還晚趨舍未
至見張丞相墓前石馬謂爲鹿也卽以斧擗之斧缺
柯折石馬不傷此二者亦至誠也卒有沈溺缺斧之
事何金石之所感偏乎子雲無以應余

西京雜記卷第六

漢 丹陽葛洪集

明 新安程榮校

魯恭王得文木一枚伐以爲噐意甚玩之中山爲王賦曰麗木離披生彼高崖拂天河而布葉橫日路而摧枝幼雛羸殼單雄寡鷗紛紜翔集嘈嗷鳴啼載重雪而稍勁風將等歲於二儀巧匠不識王子見知乃命班爾載斧伐斯隱若天崩豁如地裂華葉分披條枝摧折既剝既刊見其文章或如龍盤虎踞復似鸞

集鳳翔青綢紫綬環壁珪璋重山累嶂連波疊浪奔
電屯雲薄霧濃霧磨宗驥旅鷄族雉羣蠋繡鴛錦蓮
藻芰文色比金而有裕楨叅玉而無分裁爲用器曲
直舒卷脩竹映池高松植巖制爲樂器婉轉蟠紆鳳
將丸子龍導五駒制爲屏風鬱茀穿隆制爲杖几極
麗窮美制爲枕案文章璀璨彪炳渙汗製爲盤盃采
玩蚶躡猗歟君子其樂只且恭王大悅顧盼而笑賜

駿馬二匹

廣川王去疾好聚亡賴少季遊獵畢弋無度國內塚

藏一皆發掘余所知爰猛說其大父爲廣川王中尉
每諫王不聽病免歸家說王所發掘塚墓不可勝數
其竒異者百數焉爲余說十許事今記之如左

魏襄王家皆以文石爲槨高八尺許廣狹容四十人
以手捫槨滑液如新中有石牀石屏風宛然周正不
見棺柩明器蹤跡但牀上有玉唾壺一枚銅劍二枚
金玉雜具皆如新物王取服之

哀王家以鐵灌其上穿鑿三日乃開有黃氣如霧觸
人鼻目皆辛苦不可入以兵守之七日乃歇初至一

戶無扃鑰石牀方四尺牀上有石几左右各三石人立侍皆武冠帶劔復入一戶石扉有關鑰叩開見棺柩黑光照人刀斫不入燒鋸截之乃漆雜兕草爲棺厚數寸累積十餘重力不能開乃止復入一戶亦石扉開鑰得石牀方七尺石屏風銅帳鑊一具或在牀上或在地下似是帳糜朽而銅鑊墮落牀上石枕一枚塵埃朏朏甚高似是衣服牀左右石婦人各二十悉皆立侍或有執巾櫛鏡鑷之爲或有執盤奉食之形無餘異物但有鐵鏡數百枚

魏王子且渠冢甚淺狹無棺柩但有石牀廣六尺長一丈石屏風牀下悉是雲母牀上兩屍一男一女皆年二十許俱東首裸卧無衣衾肌膚顏色如生人鬢髮齒爪亦如生人王畏懼之不敢侵近還擁閉如舊焉

袁盎冢以瓦爲棺槨器物都無唯有銅鏡一枚

晉靈公冢甚瑰壯四角皆以石爲覆犬捧燭石人男女四十餘皆立侍棺槨無復形兆屍猶不壞孔竅中皆有金玉其餘器物皆朽爛不可別唯玉蟾蜍一枚

大如拳腹空容五合水光潤如新王取以盛書滴
幽王冢甚高壯美門既開皆是石堊撥除丈餘深乃
得雲母深尺餘見百餘屍蹤橫相枕藉皆不朽唯一
男子餘皆女子或坐或卧亦猶有立者衣服形色不
異生人

藥書冢棺柩明穢朽爛無餘有一白狐見人驚走左
右遂擊之不能得傷其左脚其夕王夢一丈夫鬚眉
盡白來謂王曰何故傷吾左脚乃以杖叩王左脚王
覺脚腫痛生瘡至死不差

太池池中有鳴鶴舟容與舟清曠舟採菱舟越女舟
太液池西有一池名孤樹池池中有洲洲上黏樹一
株六十餘圍望之重重如蓋故取爲名

昆明池中有戈船樓船各數百艘樓船上建樓櫓戈
船上建戈矛四角悉垂幡毼旒葆麾蓋照灼涯涘余
少嘗猶憶見之

韓嫣以玳瑁爲牀

漢承周史官至武帝置太史公太史公司馬談世爲
太史子遷年十三使乘傳行天下求古諸侯史記續

孔子古文序世事作傳百三十卷五十萬字談死子
遷以世官復爲太史公位在丞相下天下上計先上
太史公副上丞相太史公序事如古春秋法司馬氏
本古周史佚後也作景帝本紀極言其短及武帝之
過帝怒而削去之後坐舉李陵降匈奴下遷蠶室
有怨言下獄死宣帝以其官爲令行太史公文書事
而已不復用其子孫

皇太子官稱家臣動作稱從

杜陵秋胡者能通尚書善爲古隸字爲翟公所禮欲

以兄女妻之或曰秋胡已經娶而失禮妻遂溺死不
可妻也馳魚曰昔魯人秋胡娶妻三月而遊宦三年
休還家其婦採桑於郊胡至郊而不識其妻也見而
悅之乃遺黃金一鎰妻曰妾有夫遊宦不返幽閨獨
處三年于茲未有被辱如今日也採不顧胡慚而退
至家問家人妻何在曰行採桑於郊未返旣還乃向
所挑之婦也夫妻並慙妻赴沂水而死今之秋胡非
昔之秋胡也昔魯有兩曾參趙有兩毛遂南曾參殺
人見捕人以告北曾參母野人毛遂墜井而死客以

告平原君平原君曰嗟乎天喪予矣既而知野人毛
遂非平原君客也豈得以昔之秋胡失禮而絕婚今
之秋胡哉物固亦有似之而非者王之未理者爲璞
死鼠未屠者亦爲璞月之旦爲朔車之軸亦謂之朔
名齊實異所宜辨也

洪家世有劉子駿漢書一百卷無首尾題目但以甲
乙丙丁紀其卷數先父傳之歆欲撰漢書編錄漢事
未得締構而亡故書無宗本止雜記而已失前後之
次無事類之辨後好事者以意次第之始甲終癸爲

十帙帙十卷合爲百卷洪家具有其書試以此記考校班固所作殆是全取劉書有小異同耳并固所不取不過二萬許言今抄出爲二卷名曰西京雜記以裨漢書之闕爾後洪家遭火書籍都盡此兩卷在洪巾箱中常以自隨故得猶在劉歆所記世人希有縱復有者多不備足見其首尾參錯前後倒亂亦不知何書罕能全錄恐年代稍久歆所撰遂沒并洪家此書二卷不知出所故序之云爾

洪家復有漢武帝禁中起居注一卷漢武故事二卷

世人希有之者今并五卷爲一帙庶免淪沒焉